

摛藻堂四庫全書薈要

集部

欽定四庫全書叢書要

集部

御定全唐詩卷七百三十八

四至

詳校官原任事臣李斯咏

欽定四庫全書會要卷一萬八千一百三十九

集部

御定全唐詩卷七百二十四

羅紹威

羅紹威字端己魏州貴鄉人弘信之子唐末官魏博節
度使封鄴王入梁累拜太師兼中書令集五卷今存詩

二首

柳

妝點青春更有誰青春常許占先知亞夫營畔風輕處

元亮門前日暖時花密宛如飄六出葉繁何惜借雙眉
交情別緒論多少好向仁人贈一枝

白菊

一作羅
隱詩

雖被風霜競欲催皎然顏色不低摧已疑素手能妝出
又似金錢未染來香散自宜飄綠酒葉交仍得蔭蒼苔
尋思閉戶中宵見應認寒窗雪一堆

句

樓前澹澹雲頭日簾外蕭蕭雨脚風

羅袞

羅袞字子制臨邛人大順中厯左拾遺起居郎仕梁為
禮部員外郎集二卷今存詩三首

清明登奉先城樓

年來年去只艱危春半堯山草尚衰四海清平耆舊見
五陵寒食小臣悲烟銷井邑隈樓檻雪滿川原泥酒卮
拭盡賈生無限淚一行歸雁遠參差

清明赤水寺居

榆火輕煙處處新
旋從閒望到諸鄰
浮生浮世祇多事
野水野花娛病身
濁酒不禁雲外景
碧峰猶冷寺前春
蓑衣毳衲誠吾黨
自結村園一社貧

贈羅隱

平日時風好淚流
讒書雖盛一名休
寰區歎屈瞻天問
夷貊聞詩過海求
向夕便思青瑣拜
近年尋伴赤松遊
何當世祖從人望
早以公台命卓侯

隱開平中召
拜夕郎不就

王鎔

王鎔成德節度使庭湊之五世孫中和中襲位梁受禪
封趙王後為大將張文禮所滅詩二首

哭趙州和尚二首

師離流水動王侯心印光潛塵尾收碧落霧霾松嶺月
滄溟浪覆濟人舟一燈乍滅波旬喜雙眼重昏道侣愁
縱是了然雲外客每瞻鋗几淚還流

佛日西傾祖印隱珠沈丹沼月沈輝影敷丈室爐煙慘
風起禪堂松韻微隻履乍來留化跡五天何處又逢歸

解空弟子絕悲喜猶自潛然對雪幃

鄧洵一作
恂

鄧洵美連州人或曰郴郡人晉天福中登第後還鄉上
牋周行逢署館驛巡官已而行逢疑之貶為易俗場官
使盜殺之詩一首

荅同年李昉見贈次韻

詞場幾度讓長鞭又向清朝賀九遷品秩雖然殊此日
歲寒終不改當年馳名早已超三院侍直仍忻步八磚

今日相逢翻自愧，閒吟對酒倍潛然。

李京

李京梁貞明六年登第詩一首

除夜長安作一作李景詩

長安朔風起，窮巷掩雙扉。
新歲明朝是故鄉，何路歸鬢絲。
饒鏡色，礫雪奪燈輝。却羨秦州雁，
逢春盡北飛。

許鼎

許鼎梁貞明六年登第詩二首

登嶺望

森森三江水悠悠五嶺闊雁飛猶不度人去若為還

寧嶺四望

漢家仙仗在咸陽洛水東流出建章野老至今猶望幸
離宮秋樹獨蒼蒼

王易簡

王易簡梁乾化中及第累官左拾遺謝職歸再召為郎
遷諫垣臺閣三十年歸華山十年而終詩一首

官左拾遺歸隱作一作辭官歸
隱留詩一絕

汨沒朝班媿不才誰能低折向塵埃青山得去且歸去
官職有來還自來

朱褒

朱褒永嘉人善屬詩文值寇亂據州以同姓結援梁太
祖奏授溫州刺史充靜海軍使詩一首

悼楊氏妓琴弦

魂歸寥廓魄歸泉只住人間十五年昨日施僧裙帶上

斷腸猶繫琵琶弦

黃捐

黃捐字益之連州人梁龍德二年登進士第仕南漢劉
龕累官尚書僕射有桂香集今存詩四首

公子行

春草綠綿綿驕驥驟緩煙微風飄樂韻半日醉花邊打
鵠拋金盞招人舉玉鞭田翁與蠶婦平地看神仙

讀史

逐鹿走紅塵炎炎火德新家肥生孝子國霸有餘臣帝
道雲龍合民心草木春須知煙閣上一半老儒真

出山吟

來書初出白雲窟乍躡秋風馬走輕遠近留連分岳色
別離嗚咽亂泉聲休將巢許爭喧雜自共伊皋論太平
昨夜細看雲色裏進賢星座甚分明

書壁

蘇軾云虔州布衣賴仙芝言損未老退歸
一日忽遁去莫知所在子孫畫像事之凡
三十三年乃歸書壁

上云云投筆而去

一別人間歲月多歸來人事已銷磨惟有門前鑑池水

春風不改舊時波

與賀知章還鄉詩多同

句

機關繞運動勝敗便相隨

以下並見吟窗雜錄

忽遇南遷客若

為西入心 往來三鳥近活計一囊空 三通明主詔

一片白雲心

掃地待明月踏花迎野僧

水諳彭澤

澗山憶武陵深 金燈冷光風宛轉錦袍紅潤雨霏微

高齊日月方為道動合乾坤始是心 傍水野禽通

體白釘盤山菓半邊紅

見零陵
總記

而今世上多離別莫

向相思樹下啼

鷓鴣
古今詩話

張袞

張袞仕梁詩六首

梁郊祀樂章

慶肅

籩豆簠簋黍稷非馨懿茲彝器厥德惟明金石匏革以和以平由此無疆期乎永寧

慶熙

哲后躬享旨酒斯陳王恭無斁嚴祀惟寅皇祖以配大
孝以振宜錫景福永休下民

慶隆

恭祀上帝于國之陽爵醴是荷鴻基永昌

慶融

導和氣兮襲氤氳宣皇規兮彰聖神服遐裔兮敷質文
格苗扈兮息煙塵

慶休

大業來四夷仁風和萬國白日體無私皇天輔有德七
旬罪已服六月師方克偉哉帝道隆終始常作則

慶和

煙燎昇禮容徹誠感達人神悅靈貺彰聖情結玉座寂
金鑪歇

趙光逢

趙光逢京兆奉天人乾符五年登進士第釋褐鳳翔推

官入為監察御史乾寧二年從駕幸華州拜御史中丞
改禮部侍郎後仕梁至宰輔封齊國公詩八首

梁郊祀樂章

慶和

就陽位昇圜丘佩雙玉御大裘膺天命擁神休萬靈感
百祿道

秉黃鉞建朱旗震八表清一儀帝業顯王道夷受景命
啟皇基

開九門懷百神通肸蠁接氤氳明粢薦廣樂陳奠嘉璧
燎芳薪

膺寶圖執左契德應天聖饗帝薦表衷荷靈惠壽萬年
祚百世

惟德動天有感必通秉茲一德禋於六宗欽夤寶命恭
肅禮容來顧來享永穆皇風

天惟佑德辟乃奉天交感斯在昭事固愆歲功已就王
道無偏於焉報本是用告虔

慶順

聖皇戾止天步舒遲乾乾睿相穆穆皇儀進退必肅陟
降是祇六變克協萬靈協隨

慶平

天命降鑒帝德惟馨享祀不忒禮容孔明奠璧布幣薦
純獻精神祐以答敷錫永寧

御定全唐詩卷七百三十四

欽定四庫全書會要卷一萬八千一百四十 集部

御定全唐詩卷七百三十五

和凝

和凝字成績鄆州須昌人舉進士唐天成中歷翰林學士知貢舉所取皆一時之秀晉天福五年拜中書侍郎同平章事入漢拜太子太傅封魯國公終於周凝為文章以多為富有集百餘卷今編詩一卷

宮詞百首

第九十首第

一句缺一字

紫燎光銷大駕歸御樓初見赭黃衣千聲鼓定將宣赦
竿上金雞翅欲飛

北闕晴分五鳳樓嵩山秀色護神州洛河自契千年運
更擬波中出九疇

中興殿上曉光融一炷天香舞瑞風百辟虔心齊稽首
捲簾遙見御衣紅

日和風暖御樓時萬姓齊瞻八彩看瑞氣祥烟籠細仗

閭門宣赦四方知

鳳吹鸞歌曉日明
豐年觀稼出神京
封人爭獻南山壽

五色雲中御輦平

聖主臨軒待曉時
穿花宮漏正遲遲
難人一唱乾坤曉
百辟分班儼羽儀

朦朧西月照池亭
初夜椒房掩畫屏
宮女相呼有何事
上樓同看老人星

紅泥椒殿綴珠璫
帳蹙金龍窄地長
紅獸慢然天色暖
鳳爐時復爇沈香

九重樓殿簇丹青高柳含烟覆井亭宮內不知今日幾
自來階下數堯蓂

寢殿香濃玉漏嚴雲隨涼月下西南帳前宮女低聲道
主上還應夢傅巖

遶殿鈎闌壓玉階內人輕語凭蕙臺皆言明主垂衣理
不假朱雲傍檻來

願預冰面瑩池心風刮瑤階臘雪深怪得宮中無獸炭
步搖釵是辟寒金

蘭殿春融自靚笙玉顏風透象紗明金簧如語鶯聲滑
可使雲和獨得名

蘭燭時將鳳髓添寒星遙映夜光簾龍樓露著鴛鴦瓦
誰近螭頭擲玉籤

玉甃蓮池春水平小魚雙竝錦鱗行內中知是黃河樣
九曲今年徹底清

真珠簾外靜無塵耿耿涼天景象新金殿夜深銀燭晃
宮嬪來奏月重輪

魚犀月掌夜通頭自著盤鶯錦臂羈多把沈檀配龍麝
宮中掌浸十香油

香雲雙颺玉蟬輕侍從君王苑裏行嘉瑞忽逢連理木
一時跪拜賀文明

金鸞雙立紫檀槽暖殿無風韻自高含笑試彈紅藥調
君王宣賜酪櫻桃

斑簾如霞可殿鋪更開新進瑞蓮圖誰人築損珊瑚架
子細看時認遜蘇

金盆初曉洗纖纖銀鴨香焦特地添出戶忽看春雪下

六宮齊捲水晶簾

暖金盤裏點酥山擬望君王子細看更向眉中分曉黛
巖邊染出碧琅玕

雲母屏前繡柱衣龍牀閒卷諫書幃黃金檻外螭頭活
日照紅蘭露未晞

樓西殘月尚朧明中禁雞人報曉聲清旦司天臺進狀
夜來晴霽泰階平

纖轡摩軒響佩環銀臺門外集鴛鸞三鐘五鼓祥烟斂
日照仙人捧露盤

司膳廚中也禁烟春宮相對畫秋千清明節日頒新火
蠟炬星飛下九天

宮木交芳色盡深和風輕舞早鶯吟侍臣不異東方朔
應喜仙桃滿禁林

貢橘香勻繙蘿容星光初滿小金籠近臣押賜諸王宅
拜了方開敕字封

獻壽朝元欲偃戈。航深梯險競駢羅。若論萬國來朝日。
比並塗山更較多。

艷陽風景簇神州。杏葉桃心照鳳樓。遙望青青河畔草。
幾多歸馬與休牛。

鑾輿觀稼晚方歸。日月旗中見御衣。萬姓焚香惟頂禮。
瑞雲隨繖入宮闈。

宮庭皆應紫微垣。壯麗宸居顯至尊。赤子顥顥瞻父母。
已將仁德比乾坤。

三農皆已闢田疇又見金門出土牛塊雨條風符聖化
嘉禾看却報新秋

進食門前水陸陳大官齋潔貢時新明君宵旰分甘處
便索金盤賜重臣

層臺金碧惹紅霞仙掌亭亭對月華昨夜盤中甘露滿
婕妤爭去奏官家

水殿垂簾冷色凝一牀珍簟展春冰才人侍立持團扇
金縷雙龍貼碧藤

香鴨烟輕熱水沈雲鬟閒隊鳳犀簪珠簾半捲開花雨
又見芭蕉展半心

鶯錦蟬羅撒麝臍狡猊輕噴瑞烟迷紅酥點得香山小
卷上珠簾日未西

錦褥花明滿殿鋪宮娥分坐學樗蒲欲教官馬衝闊過
呪願纖纖早擲盧

小樓花簇鈿山低金雉雙來蹋馬齊誇向傍人能彩戲
朝來贏得鷺鷺犀

紅鬃白馬嫩龍飛天廄供來入紫微遙見玉階嘶不已
應緣認得赭黃衣

班定千牛立受宣佩刀墮笏鳳墀前一聲不坐祥雲合
鴛鷺依行拜兩邊

三殿香濃曉色來祥鸞威鳳待門開鏘金佩玉趨丹陛
總是和羨作礪才

兩番供奉打毬時鸞鳳分廂錦繡衣虎驃龍騰宮殿響
驛驅爭趁一星飛

鳳池冰泮岸莎勻柳眼花心雪裏新都是九重和暖地
東風先報禁園春

紫氣氤氳滿帝都映樓明月鎖金鋪銀泥殿裏嫌紅燭
教近龍牀著火珠

地衣初展瑞霞融繡帽金鈴舞舜風吹竹彈絲珠殿響
墜仙雙降五雲中

錦策勻鋪寒玉齊星鍾高運日通犀鏗金曲罷春冰碎
跪拜君王粉面低

珠簾靜卷水亭涼玉藥風飄小檻香幾處按歌齊入破
雙雙雛燕出宮牆

宮娥解禊艷陽時鷁舸蘭橈滿鳳池春水如藍垂柳醉
和風無力裏金絲

白玉階前菊藥香金盃仙醞賞重陽層臺雲集梨園樂
獻壽聲聲祝萬康

天籟吟風社燕歸渚蓮香老碧苔肥夜來霜墜梧桐葉

諸殿平明進御衣

鑪爇香檀獸炭凝真珠簾外雪花飛六宮進酒堯簪壽
舞鳳盤龍滿御衣

雲行風靜早秋天競遠盆池蹋采蓮罨畫披袍從寧地
更尋宮柳看鳴蟬

闌珊星斗綴珠光七夕宮嬪乞巧忙總上穿針樓上去
競看銀漢灑瓊牋

寶瑟淒鏘夜漏餘玉階閒坐對蟾蜍秋光寂歷銀河轉
已見宮花露滴疎

春風金裏萬年枝簇白團紅爛漫時宮女競思遊御苑
大家齊奏聖人知

乾文初見泰階平日月常遵閣道行昨夜仰觀垂象正
拱辰星宿轉分明

鏘鏘濟濟赴延英漸近重瞳目轉明君聖臣賢魚水契
鴻基須賀永清平

天廐驂駿駢集嫩龍雪光相照曉嘶風昂頭步步金鞍穩
掌扇花前御路中

金吾細仗儼威儀聖旨凝旒對遠夷曉日曈曨瞻玉案
丁冬環珮滿彤墀

正旦垂旒御八方蠻夷無不奉梯航羣臣舞蹈稱觴處
雷動山呼萬歲長

聖主躬耕在籍田公卿環衛待豐年五風十雨餘糧在
金殿惟聞奏舜弦

聖日垂科委所司英才咸喜遇明時春官進榜鷺離谷
月殿香殘桂魄枝

天街香滿瑞雲生紅繖凝空景日明先遣五坊排獵騎
為民除害出神京

內宴初開錦繡攢教坊齊奏萬年歡簫韶響亮春雲合
日照堯階舞瑞鸞

視草詞臣直玉堂對來新賜錦袍香班資最在雲霄上
長是先迎日月光

玉殿朦朧散曉光金龍高噴九天香撼鞭聲定初開扇
百辟齊呼萬歲長

五色卿雲覆九重香烟高舞御鑪中含元殿裏行仁德
四海車書已混同

欲封丹詔紫泥香朱篆龍文御印光汗渙絲綸出丹禁
便從天上鳳銜將

越溪妹麗入深宮儉素皆持馬后風盡道君王修聖德
不勞辭輦與當熊

早梅初向雪中明風惹奇香粉蘂輕誰道落花堪贋面
競來枝上采繁英

暖殿奇香馥綺羅窗間初學繡金鵝纔經冬至陽生後
今日工夫一綫多

金井澄泉玉液香瑠璃深殿自清涼溫湯頭進爪初熟
後至宮嬪未得嘗

繡闌雕甍列錦闈珍奇惟待鳳凰棲杏梁烜赫晴霞展
時見空虛墜燕泥

龍鳳金鞍軟玉鞭雪花光照錦連乾駕頭直指西郊去
曉日寒生講武天

夏雲樓上定風盤雀躍緩跳總不難要對君王逞輕捷
御樓時擬上雞竿

停穩春衫窄地長通天犀帶綴金章近臣銜命離丹禁
高捧恩波灑萬方

垂黎玉押春簾卷不夜珠樓曉鑑開袍袴宮人走迎駕
東風吹送御香來

金吾勘契自通官樓上初聞唱刻閒金殿香高初喚仗
數行鶯鶯各趨班

螺髻凝香曉黛濃水精鷺鷺颶輕風金釵斜戴宜春勝
萬歲千秋遶鬢紅

縷金團扇對纖綺正是深宮捧日時要對君王說幽意
低頭佯念婕妤詩

結金冠子學梳蟬碾玉蜻蜓綴鬢偏寢殿垂簾悄無事
試香閒立御爐前

金馬詞臣夜受宣授毫交直八花磚白麻草了初呈進
稱旨絲綸下九天

平明光政便門開已見忠臣早入來自是樞機符造化

大羅天上曜三台

紅羅牕裏繡偏慵
蟬袖閒隈碧玉籠
蘭殿春晴鸚鵡睡
結條釵颺落花風

曉光初入右銀臺
鴛鷺分班啟沃來
如水如魚何際會
盡言金鼎得鹽梅

立名金馬近堯階
盡是家傳八斗才
麻尾尚猶龍字濕
便從天上鳳銜來

狡貌鎮角舞筵張鸞鳳花分十六行輕動玉纖歌遍慢
時時偷眼看君王

邊藩宴賀休征細仗初排舜日明坐定兩軍呈百戲
樂臣低折賀昇平

碧羅冠子簇香蓮結勝雙銜利市錢花下貪忙尋百草
不知遺却蹙金蟬

蘭省初除傅粉郎靜端霜簡入鴛行明庭轉制渾無事
朝下空餘雞舌香

采訪寧遺草澤人詔搜無不降蒲輪集賢殿裏開爐治
待把黃金鑄重臣

紅玉纖纖捧暖笙絳唇呼吸引春鶯霓裳曲罷君王笑
宜近前來與改名

繡額朱門插艾人羞將角黍近香唇平明朝下誇宣賜
五色香絲繫臂新

芙蓉冠子水精簪閒對君王理玉琴鶯頸鶯脣勝仙子
步虛聲細象牕深

金馬門開侍從歸御香猶惹賜來衣曉光滿院金魚冷
紅藥花擎宿露飛

便殿朝回卸玉簪競來芳檻摘花心風和難捉花中蝶
却向牕間美繡針

君王朝下未梳頭長暈殘簪侍鑑樓扼臂交光紅玉軟
起來重擬理箜篌

九重天上實難知空遣微臣役夢思葵藿一心期捧日

強搜狂斐擬宮詞

漁父歌

白芷汀寒立驚鶩頻風輕翦浪花時煙幕暮日遲遲香
引芙蓉惹釣絲

楊柳枝

軟碧搖烟似送人映花時把翠眉嚙青青自是風流主
慢颭金絲待洛神

瑟瑟羅裙金縷腰黛眉隈破未重描醉來皎損新花子

拽住仙郎盡

儘

放嬌

鵲橋初就咽銀河今夜仙郎自姓和不是昔一作當年攀

桂樹豈能月裏索姮娥

解紅歌

唐有兒童解紅之舞

百戲罷五音清解紅一曲新教成兩個瑤池小仙子此時奪却柘枝名

題鷹獵兔畫

雖是丹青物沈吟亦可傷君誇鷹眼疾我憫兔心忙豈動騷人興惟增獵客狂絞綃百餘尺爭及製衣裳

醴泉院

萬山嵐靄簇洋洋城數處禪齋盡有名古柏八株堆翠色
靈泉一派逗寒聲暫遊頗愛閒滋味久住翻嫌俗性情
珍重支公每相勉我于儒行也修行

興勢觀

山名興勢鎮梁洋儼有真風福此方瘦柏握盤籠殿紫
靈泉澄潔浸花香暫遊頗愛閒人少久住翻嫌白日忙
只向五千文字內願成金骨住仙鄉

洋川

華夷圖上見洋川
知在青山綠水邊
官閒最好遊僧舍
江近應須買釣船

句

先生自舞琴

三樂達節

波上人如潘玉兒
掌中花似趙飛

燕

採蓮曲以
上並見樂書

御定全唐詩卷七百三十五

欽定四庫全書會要卷一萬八千一百四十一

集部

御定全唐詩卷七百三十六

王仁裕

王仁裕字德輦天水人初為秦州判官入蜀為中書舍人翰林學士歷唐晉漢終戶部尚書罷為太子少保周顯德初卒仁裕曉音律喜為詩嘗集平生所作詩為西江集今編為一卷

從蜀後主幸秦川上梓潼山

綠仗拂寒煙鳴騶在半天黃雲生馬足白日下松巔盛
德安疲俗仁風扇極邊前程問成紀此去尚三千

和蜀後主題劍門

孟陽曾有語刊在白雲稜李杜常挨托孫劉亦恃憑庸
才安可守上德始堪矜暗指長天路濃巒蔽幾層

荆南席上詠胡琴妓二首

一作奉使荆南高從誨筵上聽彈胡琴

紅妝齊抱紫檀槽一抹朱弦四十條湘水凌波慚鼓瑟
秦樓明月罷吹簫寒敲白玉聲偏婉暎逼黃鸝語自嬌

丹禁舊臣來側耳骨清神爽似聞韶

十國春秋高從誨世家注載首二句

云是從

誨作

玉纖挑落折冰聲散入秋空韻轉清二五指中傳塞雁
十三弦上轉春鶯譜從陶室偷將妙曲向秦樓寫得成
無限細腰宮裏女就中偏愜楚王情

題麥積山天堂

王堂間話云麥積山者北跨渭南漸兩當岡巒崛

萬尋其青雲之半梯空架險有散花樓由西間懸梯而上有萬菩薩堂並就石鑿成自此室之上有一龕謂之天堂空中倚一獨梯至此萬中無一人敢登者仁裕獨登之仍題詩于天堂西

壁前唐末
辛未年也

躡盡懸空萬仞梯等閒身共白雲齊簷前下視羣山小
堂上平分落日低絕頂路危人少到古巖松健鶴頻棲
天邊為要留名姓拂石殷勤身自題

題斗山觀

玉堂閒話云興元斗山觀自平川聳起一山四面懸絕其上方於斗底故

號之有唐公昉飲李八百仙酒全家拔宅之跡
仁裕辛巳歲為節度判官嘗以片板題詩於觀
癸未年入蜀因謁嚴真觀見斗山詩牌在焉不知所來舊說云斗山一洞與嚴真觀井相通也

霞衣欲舉醉陶陶

公昉家飲八百洗瘡酒醉而上昇

不覺全家住絳霄

拔宅只知雞犬在上天誰信路歧遙三清遠廓拋塵夢

八景雲烟事早朝為有故林蒼柏健露華涼葉鎖金飈

題孤雲絕頂淮陰祠

玉堂閒話云興元之南有大竹路通巴州深谿峭巖

捫蘿一上三日達山頂復登嶺其絕頂謂之孤

雲兩角彼中諺云孤雲兩角去天一握淮陰侯

祠在焉昔漢祖不用韓信遯歸西楚蕭相國追之及于茲山故立廟貌仁裕嘗佐襄梁帥王思同南伐巴人往返

登陟留題于祠

一握寒天古木深路人猶說漢淮陰孤雲不掩興亡策
兩角曾懸去住心不是冕旒輕布素豈勞丞相遠追尋

當時若放還西楚尺寸中華未可侵

和韓昭從駕過白衛嶺

龍旆飄飈指極邊
到時猶更二三千
登高曉蹠巉巖石
冒冷朝衝斷續煙
自學漢皇開土宇
不同周穆好神仙
秦民莫遣無恩及
大散關東別有天

賀王溥入相

石林詩話云仁裕知貢舉取王溥
為狀元溥時年二十六後六年溥

拜相時仁裕猶致

仕無恙賀以詩

一戰文場拔趙旗
便調金鼎佐無為
白麻驟降恩何極

黃髮初聞喜可知跋勅案前人到少築沙堤上馬歸一
蹄遲立班始得遙相見親洽爭如未貴時

與諸門生春日會飲繁臺賦

柳陰如霧繁成堆又引門生飲古臺淑景即隨風雨去
芳樽宜命管弦開謾誇列鼎鳴鐘貴寧免朝烏夜免催
爛醉也須詩一首不能空放馬頭回

示諸門生

一百一十四門生春風初長羽毛成擲金換得天邊桂

鑿壁偷將榜上名何幸不才逢聖世偶將疎綱罩羣英
袁翁漸老兒孫小異日知誰畧有情

過平戎谷弔胡翩

翩有文學佐荆湖藩幕善草軍書蔑視副軍構之主帥盡

室坑平戎谷仁裕過而弔之

立馬荒郊滿目愁伊人何罪死林丘風號古木悲長在
雨濕寒莎淚暗流莫道文章為衆嫉只應輕薄是身讐
不緣魂寄孤山下此地堪名鷓鴣洲

奉詔賦劍州途中驚獸

蜀後主幸秦川至劍州西驚獸於路左叢林間

躍出搏一人去至行宮顧問臣僚皆陳恐懼命
仁裕及李浩弼等賦之後主覽之大笑曰二臣
之詩各
有旨

劍牙釘舌血毛腥窺算勞心豈暫停不與大朝除患難
惟餘當路食生靈從將戶口資嘵口未委三丁稅幾丁
今日帝王親出狩白雲巖下好藏形

放猿

仁裕從事漢中有獻猿兒者憐其黠慧育
之名曰野賓經年壯大跳擲頗為患繫紅

詩送之

放爾丁寧復故林舊來行處好追尋

一作舊時侶
伴好相尋

月明

巫峽堪憐靜路隔巴山莫厭深

一作耐寒不憚霜中宿隱跡從教霧裏深

棲

宿歸去一免勞青嶂夢躋攀應愴白雲心

三秋果熟松梢

健任抱高枝徹曉吟

遇放猿再作

仁裕罷職入蜀行次漢江壩

嶓冢廟前見一巨猿捨羣而前於道畔

古樹間垂身下顧紅綃宛在以野賓呼之聲應立馬移時不覺惻然遂繼之一篇云

嶓冢祠前漢水濱飲猿連臂下嶙峋漸來子細窺行客
認得依稀是野賓月宿縱勞羈絏夢松餐非復稻梁身
數聲腸斷和雲叫識是前時舊主人

句

鐵鎖寨門扃白日大張旗幟插青天

大散關

御定全唐詩卷七百三十六

欽定四庫全書薈要卷一萬八千一百四十二

集部

御定全唐詩卷七百三十七

馮道

馮道字可道景城人初為劉守光參軍後歷唐晉漢周事四姓十君並在政府自號長樂老卒謚文懿追封瀛王詩集十卷今存五首

天道

窮達皆由命何勞發歎聲但知行好事莫要問前程冬

去冰須泮春來草自生請君觀此理天道甚分明

偶作

莫為危時便愴神前程往往有期因須知海嶽歸明主
未必乾坤陷吉人道德幾時曾去世舟車何處不通津
但教方寸無諸惡狼虎叢中也立身

北使還京作

詩凡五章今僅存其一

去年今日奉皇華只為朝廷不為家殿上一杯天子泣
門前雙節國人嗟龍荒冬往時時雪兔苑春歸處處花

上一下行如骨肉幾人身死掩風沙

贈竇十

燕山竇十郎教子有義方靈椿一株老丹桂五枝芳

放魚書所鑰戶

詩史云道性仁厚家有一池每得魚放池中其子監丞每竊釣

之道聞之不悅於是高其墻

垣鑰其門戶作詩書其門

高郤垣牆鑰却門監丞從此罷垂綸池中魚鱉應相賀

從此方知有主人

句

朝披四襍專藏手夜覆三衾怕露頭

虜中大寒賜道錦
襍貂襍羊狐貂衾

各一每入謁悉服四襍衣

宿館中併覆三衾故云

牛頭偏得賜象笏更容持

虜以道有重名欲留之命與其國相同列所賜皆等虜
賜臣下以牙笏及臘月賜牛頭皆殊禮也道皆得之以
詩謝以

已落地花方遣埽未經霜草莫教鋤吟治

上見叢苑

圃

見事文 視草北來唐學士擁旄西去漢將軍

同光中
承旨盧

質節制河中贈

見續翰林志

盧文紀

盧文紀字子持舉進士事梁為集賢殿學士唐明宗時

為御史中丞遷工部尚書貶石州司馬久之為太常卿
奉使於蜀過鳳翔廢帝時為節度使見文紀奇之後入
立拜為中書侍郎同中書門下平章事周時進司空詩
一首

後唐宗廟樂舞辭

仁君御宇寰海謐清運符武德道協文明九成式敘百
度惟成金門積慶玉葉傳榮

崔居儉

崔居儉唐末進士仕後唐累官戶部尚書詩一首

後唐宗廟樂舞辭

艱難王業返正皇唐先天再造却日重光漢紹世祖夏
資少康功成德茂率祀無疆

李濤

李濤字信臣避地湖南事馬殷後唐天成中舉進士歷
事晉漢至宰輔入周封莒國公後歸宋詩一首

春社從李昉乞酒

石林詩話云俗稱社日飲酒治聲昉時為翰林學士有月

給內庫酒故濤從乞之
社公濤小字與朝士言多以自名

社公今日沒心情為乞治聲酒一瓶惱亂玉堂將欲徧
依稀巡到第三廳

句

溪聲長在耳山色不離門

詩人
玉屑

埽地樹留影拂牀琴

有聲一言寤主寧復聽三諫不從歸去來

諫晉主不
從作見

吟牕錄

盧士衡

盧士衡後唐天成二年進士集一卷今存詩七首

靈溪老松歌

靈溪古觀壇西角千尺鱗皴棟梁樸橫出一枝戛樓閣
直上一枝掃寥廓白石蒼苔擁根脚月明風撼寒光落
有時風雨晦暝擺撼若黑龍之騰躍合生於象外峰巒
枉滯乎人間山岳安得巨靈受請託拔向青桂白榆邊

安著

遊靈溪觀

雲藏寶殿風塵外粉壁松軒入看初話久仙童顏色老
病來玄鶴羽毛疎樵翁接引尋紅术道士留連說紫書
不為壯心降未得便堪從此翫清虛

寄天台道友

相思遙指玉霄峰悵望江山阻萬重曾隔曉牕聞法鼓
幾同寒搥聽疎鐘別來知子長餐柏吟處將誰對倚松
且住人間行聖教莫思天路便登龍

花落

迎風嘯未已和雨落穀穀千枝與萬枝不如一竿竹

鍾陵鐵柱

千年埋沒竟何為變化宜將萬物齊安得風胡借方便
鑄成神劍斬鯨鯢

僧房聽雨

古寺松軒雨聲別寒牕聽久詩魔發記得年前在赤城
石樓夢覺三更雪

題牡丹

萬葉紅綃翦翦盡春丹青任寫不如真風光九十無多日

難惜尊前折贈人

熊燦

熊燦後唐清泰二年登進士第延州劉景巖辟為從事入晉拜補闕貶商州上津令屠龍集五卷今存詩二首

祖龍詞

平吞六國更何求童女童男問十洲滄海不回應悵望始知徐福解風流

謫居海上

家臨涇水隔秦川來往闢河路八千堪恨此身何處老
始皇橋畔又經年

熊皎

熊皎自稱九華山人南金集二卷今存詩四首

冬日原居酬光上人見訪

吾道喪已久吾師何此來門無塵事閉卷有國風開野
迴霜先白庭荒葉自堆寒暄吟罷後猶喜話天台

早梅

江南近臘時已亞雪中枝一夜欲開盡百花猶未知人情皆共惜天意欲教遲莫訝無濃豔芳筵正好吹

懷三茅道友

塵事何年解客嘲十年容易到三茅長思碧洞雲牕下曾借黃庭雪夜抄丹桂有心憑至論五峰無信問深交杏壇仙侶應相笑只爲浮名未肯拋

贈胥尊師

綠髮童顏羽服輕天台王屋幾經行雲程去速因風起
酒債還遲待藥成房閉十洲煙浪闊錄開三洞鬼神驚
他年華表重歸日却恐桑田已變更

句

山前猶見月陌上未逢人

早行

以下

果熟秋先落

見雅言

雜載

禽寒夜未棲

山居

深逢野草皆為藥靜見樵人恐是仙

厭聽啼鳥夢醒後慵掃落花春盡時廢土有人耕

不畏古廳無訟醉何妨

見事文類聚

趙延壽

趙延壽本姓劉恒山人仕後唐尚主爲樞密使清泰末官至大丞相封魏王詩一首

塞上

黃沙風捲半空拋雲動陰山雪滿郊探水人迴移帳就射鵠箭落著弓抄鳥逢霜果飢還啄馬渡冰河渴自跑占得高原肥草地夜深生火折林梢

高輦

高輦後唐秦王從榮府諮議參軍詩一首

慕

野客園基坐掩頤向暮秋不言如守默設計似平讐決
勝雖闊勇防危亦合憂看他終一局白却少年頭

句

飄飄送下遙天雪颯颯吹乾旅舍煙

冬風見吟牕雜錄

韓昭裔

韓昭裔後唐清泰時宰相詩一首

與李專美

昭裔登庸汝未登鳳池雞樹冷如冰何如且作宣徽使

免被人呼粥飯僧

時清泰帝以宰相李愚等無所事目曰此粥飯僧爾

張仁溥

張仁溥後唐大寧縣丞詩一首

題龍窩洞

折花攜酒看龍窩鏤玉長旌俊彥過他日各為雲外客
碧紗籠却又如何

李瀚

李瀚後唐天成中擢進士第仕晉為翰林學士丁年集若干卷今存詩一首

留題座主和凝舊閣

座主登庸歸鳳闕門生批詔立鰲頭玉堂舊閣多珍玩
可作西齋潤筆不

楊昭儉

楊昭儉石晉時人官尚書詩一首

題家園

池蓮憔悴無顏色園竹低垂減翠陰園竹池蓮莫惆悵
相看恰似主人心

劉坦

劉坦進士第一人及第周恭帝時李重進鎮淮南辟為
掌書記詩一首

書從事廳屏上

南部新書坦好酒在維揚幕李
帥嘗令酒庫但書記有客無多

少供之尋為酒吏頗恠須

索甚艱因書廳屏云云

金殿試迴新折桂將軍留辟向江城思量一醉猶難得
韋負揚州管記名

韋遵

韋遵後周起居郎詩一首

題施璘畫竹圖

枯籜危根繳石頭千竿交映近清流堪珍仲寶璘字窮幽
筆留得荆湘一片秋

御定全唐詩卷七百三十七

欽定四庫全書會要卷一萬八千一百四十三

集部

御定全唐詩卷七百三十八

宋齊丘

宋齊丘字子嵩世為廬陵人父誠為洪州副使遂家焉
吳時累官右僕射平章事李昪代吳以齊丘為丞相同
平章事尋出為鎮南軍節度李璟嗣位召為中書令顯
德末放歸縊死集六卷今存詩三首

陪遊鳳皇臺獻詩

塞峩壓洪泉岸客撐碧落宜哉秦始皇不驅亦不鑿上有布政臺八顧背城郭山蹙龍虎健水黑螭蜃作白虹欲吞人赤驥相燭擗畫棟泥金碧石路盤堊桷倒挂哭月猿危立思天鶴鑿池養蛟龍栽桐棲鸞鷺梁間燕教雛石罅蛇懸殼養花如養賢去草如去惡日晚嚴城鼓風來蕭寺鐸埽地驅塵埃翦蒿除鳥雀金桃帶葉摘綠李和衣嚼貞竹無盛衰媚柳先搖落一作松竹無時_{衰蒲柳先愁落}塵飛景陽井草合臨春閣芙蓉如佳人迴首似調謳當軒

有直道無人肯駐腳夜半鼠窓寧天陰鬼敲啄松孤不易立石魄難安著自憐啄木鳥去蠹終不錯晚風吹梧桐樹頭鳴曝曝峨峨江令石青苔何淡薄不話興亡事舉首思眇邈吁哉未到此福劣同尺蠖籠鶴羨鳬毛猛虎愛蝸角一日賢太守

時李昇為昇州刺史與我觀橐籥往往獨

自語天帝相唯諾風雲偶不來寰宇銷一畧我欲烹長鯨四海為鼎鑊我欲取大鵬天地為矰繳安得生羽翰

雄飛上寥廓

贈仰山慧度禪師

初聞如自解及見勝初聞兩鬢堆殘雪一身披斷雲道
應齊古佛高不揖吾君稽首清涼月蕭然萬象分

陪華林園試小妓羯鼓

切斷牙牀鏤紫金最宜平穩玉槽深因逢淑景開佳宴
為出花奴奏雅音掌底輕璁孤鵠噪枝頭乾快亂蟬吟
開元天子曾如此今日將軍好用心

時李璟為
諸衛將軍

句

大似賢臣扶社稷遇明則見暗還藏

影詩

見吟牋雜錄

馮延巳

馮延巳一名延嗣字正中廣陵人李璟為元帥時辟掌書記璟立拜翰林學士進中書侍郎同平章事陽春集一卷今存詩一首

早朝

銅壺滴漏初晝高閣雞鳴半空催啓五門金鎖猶垂三殿簾櫳階前御柳搖綠仗下宮花散紅鴛瓦數行曉日

鸞旗百尺春風侍臣躊躇重拜聖壽南山永同

句

青樓阿監應相笑書記登壇又却回

韓熙載

韓熙載字叔言北海人後唐同光中登進士第李昇建國用為祕書郎環嗣位拜虞部員外郎史館修撰知制誥後主時終中書侍郎集五卷今存詩五首

感懷詩二章

奉使中原
署館壁

僕本江北人今作江南客再去江北遊舉目無相識金
風吹我寒秋月為誰白不如歸去來江南有人憶

未到故鄉時將為故鄉好及至親得歸爭如身不到目
前相識無一人出入空傷我懷抱風雨蕭蕭旅館秋歸
來牕下和衣倒夢中忽到江南路尋得花邊舊居處桃
臉蛾眉笑出門爭向前頭擁將去

溧水無相寺贈僧

無相景幽遠山屏四面開憑師領鶴去待我挂冠來藥

為依時採松宜繞舍栽林泉自多興不是效劉雷

書歌妓泥金帶

風柳搖搖無定枝陽臺雲雨夢中歸他年蓬島音塵斷
留取尊前舊舞衣

送徐鉉流舒州

時鉉弟鍇亦貶烏江尉親友臨江相送

昔年悽斷此江湄風滿征帆淚滿衣今日重憐鵠鵠羽
不堪波上又分飛

句

幾人平地上看我半天中

登樓見吟牕雜錄

李徵古

李徵古袁州宜春人南唐昇元末舉進士第官樞密副使坐宋齊丘黨賜死詩一首

登祝融峯

欲上祝融峯先登古石橋鑿開巇嶮處取路到丹霄

潘佑

潘佑幽州人南唐時累官虞部員外郎內史舍人榮陽

集十卷今存詩四首

卷七百三十八

七歲吟

馬令南唐書曰佑母方娠夢古衣冠人告曰我顏延之也與夫人為子及生七歲始能語曰兒悞傷白龍為上帝所罰也因吟詩云云後果以三十六歲死

朝遊滄海東暮歸何太速祇因騎折白龍腰謫向人間

三十六

送許處士堅往茅山

天壇雲似雪玉洞水如琴白雲與流水千載清人心君攜布囊去路長風滿林一入華陽洞千秋那可尋

送人往宣城

江畔送行人千山生暮氣謝安團扇上為畫敬亭雲

失題

誰家舊宅春無主深院簾垂杏花雨香飛綠瑣人未歸
巢燕承塵默無語

句

勸君此醉直須歡明朝又是花狼籍

見野客叢談

李昉

李昉南唐時人詩一首

寄孟賓于

初攜書劍別湘潭
金榜標名第十二
昔日聲名喧洛下
近來詩價滿江南
長為邑令情終屈
縱處曹郎志未甘
莫學馮唐便休去
明君晚事未為慚

馬致恭

馬致恭南唐人詩一首

送孟賓于

曾聞洛下綴神仙火樹南棲幾十年白首自忻丹桂在
詩名已得四方傳行隨秋渚將歸雁吟傍梅花欲雪天
今日還家莫惆悵不同初上渡頭船

張義方

張義方南唐時厯官侍御史勤政殿學士詩一首

奉和聖製元日大雪登樓

恰當歲日紛紛落天寶瑤花助物華自古最先標瑞牒
有誰輕擬比楊花密飄粉署光同冷靜壓青松勢欲斜

宣但小臣添興詠狂歌醉舞一家家

御定全唐詩卷七百三十八

謹案卷七百三十八第三頁後一行侍臣蹈舞重
拜刊本蹈訛踏據別本改

欽定四庫全書





總校官庶吉士臣張能照
校對官庶吉士臣翟槐
臣王嘉稷

謄錄貢生

欽定四庫全書叢書要

集部

御定全唐詩卷七百三十九至四十三

詳校官原任事
臣李斯咏

集部

欽定四庫全書薈要卷一萬八千一百四十四

御定全唐詩卷七百三十九

李建勲

李建勲字致堯隴西人少好學能屬文尤工詩南唐主
李昇鎮金陵用爲副使預禪代之策拜中書侍郎同平
章事昇元五年放還私第嗣主璟召拜司空尋以司徒
致仕賜號鍾山公集二十卷今編詩一卷

中酒寄劉行軍

甚矣頻頻醉神昏體亦虛肺傷徒問藥髮落不盈梳戀
寢嫌明室修生媿道書西峯老僧語相勸合何如

白雁

東溪一白雁毛羽何皎潔薄暮浴清波斜陽共明滅差
池失羣久幽獨依人切旅食賴菰蒲單棲怯霜雪邊風
昨夜起顧影空哀咽不及牆上烏相將繞雙闕

早春寄懷

家山歸未得又是看春過老覺光陰速閑悲世路多風

和吹岸柳雪盡見庭莎欲向東溪醉狂眠一放歌

春日東山正一作草堂作

身閒贏得出天氣漸喧和蜀馬登山穩南朝古寺多早
花微弄色新酒欲生波從此唯行樂閒愁奈我何

春日小園晨看兼招同舍

最有杏花繁枝枝若手搏須知一春促莫厭百迴看鳥
轉風潛息蜂遲露未乾可容排飲否兼折贈頭冠

惜花寄孫員外一本缺

朝 始 一 枝 開 幕 復 一 枝 落 只 恐 雨 淋 漉 又 見 春 蕭 索 侵
晨 結 駟 攜 酒 徒 尋 芳 踏 盡 長 安 衢 思 量 少 壯 不 自 樂 他
日 白 頭 空 欸 叻

春 日 病 中

纔 得 歸 間 去 還 教 病 卧 頻 無 由 全 勝 意 終 是 負 青 春 綠
柳 漸 拂 地 黃 鶯 如 嘸 人 方 為 醫 者 勸 斷 酒 已 經 旬

毆 妓

自 爲 專 房 甚 忽 忽 有 所 傷 當 時 心 已 悔 徹 夜 手 猶 香 恨

枕堆雲髻啼襟搵月黃起來猶忍惡剪破繡鴛鴦

踏青磇前

期君速行樂不要旋還家永日雖無雨東風自落花詩
毫黏酒淡歌袖向人斜薄暮忘歸路垂楊噪亂鴉

正月晦日

莫倦尋春去都無百日遊更堪正月過已是一分休泉
暖聲繞出雲寒勢未收晚來重作雪翻爲杏花愁

惜花

白髮今如此紅芳莫更催預愁多日謝翻怕十分開點
滴無時雨荒涼滿地苔閒堦一桮酒惟待故人來

金谷園落花

一本缺
谷字

愁見清明後紛紛蓋地紅惜看難過日自落不因風蝶
散餘香在鶯啼半樹空堪悲一尊酒從此似西東

柳花寄宋明府

一作
寄人

每愛江城裏青春向盡時一迴新雨歇是處好風吹破
石黏蟲網高樓撲酒旗遙知陶令宅五樹正離披

送人

相見未逾月堪悲遠別離非君誰顧我萬里又南之雨
逼清明日花陰杜宇時愁看挂帆處鷗鳥共遲遲

閒遊

攜酒復攜觴朝朝一似忙馬蹄頻到路僧借舊眠床道
勝他圖薄身閒白日長扁舟動歸思高處見滄浪

栢梁隔句韻詩

第三句
缺一字

不喜長亭柳枝枝擬送君惟憐北窗樹樹解留人圓

缺都如月東西只似雲愁看離席散歸蓋動行塵

贈趙學士

常欽趙夫子遠作五侯賓見面到今日操心如古人醉
同華席少吟訪野僧頻寂寂長河畔荒齋與廟鄰

春陰

老雨不肯休東風勢還作未放草蒙草已遣花蕭索浮
生何苦勞觸事妨行樂寄語達生人須知酒勝藥

春日金谷園

一本缺
谷字

火急召親賓歡遊莫厭頻日長徒似歲花過即非春晚
雨來何定東風自不勻須知三箇月不是負芳晨

夏日酬祥松二公見訪

多謝空門客時時出草堂從容非有約澹薄不相忘池
映春篁老簷垂夏果香西風正清露自與拂吟床

懷贈操禪師

嘗憶曹溪子龕居面碧嵩杉新夏後雨雹夜禪中道
匪因經悟心能向佛空秋來得音信又在剡山東

閒居秋思呈祥松二公

秋光雖即好客思轉悠哉去國身將老流年雁又來葉
紅堆晚徑菊冷藉空罍不得師相訪難將道自開

賦得冬日青溪草堂四十字

莫道無幽致常來到日西地雖當北闕天與設東溪疎
葦寒多折驚鳬去不齊坐中皆作者長愛覓分題

溪齋

水木遶吾廬塞簾晚檻虛衰條寒露鵠幽果落驚魚愛

酒貧還甚趨時老更疎乖慵自有素不是忽簪裾

留題愛敬寺

野性竟未改何以居朝廷空爲百官首但愛千峯青南
風新雨後與客攜觴行斜陽惜歸去萬壑啼鳥聲

小園

小園吾所好栽植忘勞形晚果經秋赤寒蔬近社青竹
蘿荒引蔓土井淺生萍更欲從人勸憑高置草亭

宿山房

石牕燈欲盡松檻月還明就枕渾無睡披衣却出行巖
高泉亂滴林動鳥時驚倏忽山鐘曙喧喧僕馬聲

金陵所居青溪草堂閒興

牕外皆連水杉松欲作林自憐趨競地獨有愛閒心素
壁題看遍危冠醉不簪江僧暮相訪簾卷見秋岑

闕下偶書寄孫員外

長安驅馳地貴賤共悠悠白日誰相促勞生自不休鳳
翔雙闕曉蟬噪六街秋獨有南宮客時來話釣舟

寄魏郎中

碌碌但隨羣蒿蘭任不分未嘗矜有道求遇向吾君逸
駕秋尋寺長歌醉望雲高齋紙屏古塵暗北山文

病中書懷寄王二十六

落葉滿山州閒眠病未瘳牕陰連竹枕藥氣染茶甌路
匪人遮去官須自一本缺覓休焉宜更羸老扶杖作公侯

採菊

簇簇竟相鮮一枝開幾番味甘資麴蘖香好勝蘭蓀古

道風搖遠荒籬露壓繁盈筐時採得服餌近知門

送王郎中之官吉水

南望廬陵郡山連五嶺長吾君憐遠俗從事輶名郎移
戶多無土春蠶不滿筐惟應勞贊畫溪峒况彊梁

孤雁

欲食不敢食合栖猶未栖聞風亦驚過避繳恨飛低水
澗緣湘因雲寒過磧迷悲鳴感人意不缺一本見夜烏啼

贈送致仕郎中

鶴立瘦稜稜鬢長白似銀衣冠皆古製氣貌異常人聽
雪添詩思看山滯酒巡西峯重歸路唯許野僧親

宿友人山居寄司徒相公

雨雪正霏霏令人不憶歸地爐僧坐暖山棧火聲肥隔
紙烘茶藥移鎗剥芋衣知君在霄漢此興得還稀

郢客相尋夜荒庭雪灑篋一作高虛堂看向曙吟坐共忘

勞溪凍聲全滅燈寒焰不高他人莫相笑未易會吾曹

感故府二首

戚戚復戚戚期懷安可釋百年金石心中路生死隔新墳應草合舊地空苔色白日燈熒熒凝塵滿几席

悒悒復悒悒思君安可及永日在堦前披衣隨風立高樓暮角斷遠樹寒鴉集惆悵幾行書遺蹤墨猶濕

田家三首

一首第
一
字

畢歲知無事兵銷復舊丁竹門桑徑狹春日稻畦青犬吠隈籬落雞飛上碓程歸田起思蛙叫草冥冥

不識城中路熙熙樂一本缺
一作自有年木榦擎社酒瓦鼓送

神錢霜落牛歸屋未收雀滿田遙波過秋水間閣釣魚

船

長愛田家事時時欲一過垣籬皆樹槿廳院亦堆禾
果因風落寒蔬向日夕遙聞數聲笛牛晚下前坡

新竹

嫋嫋薰風軟娟娟湛露光參差仙子仗迤邐羽林槍迥
去侵花地斜來破蘚牆籜乾猶抱翠粉膩若塗裝逕曲
莖難數陰疎葉未長嬾嫌吟客倚甘畏夏蟲傷映水如

爭立當軒自著行北亭尊酒興還為此君狂

歸燕詞

羽翼勢雖微雲霄亦可期飛翻自有路鴻鵠莫相嗤待
侷臨書幌尋泥傍藻池衝人穿柳徑捕蝶遶花枝廣廈
來應徧深宮去不疑雕梁聲上下煙浦影參差舊地人
替換新巢雀謾窺雙雙暮歸處疎雨滿江濱

題魏壇二首

不遇至真傳道要曾看真誥亦何為舊碑經亂沈荒澗

靈篆因耕出故基蛙黽自喧澆一作臨
一本缺藥井牛羊閒過

放生池蕭條夕景空壇畔朽檜枝斜綠蔓垂

一尋遺跡到仙鄉雲鶴沈沈思渺茫丹井歲深生草木
芝田春廢卧牛羊雨淋殘畫摧荒壁鼠引飢蛇落壞梁
薄暮欲歸仍佇立菖蒲風起水泱泱

東樓看雪

一上高樓醉復醒日西江雪更冥冥化風吹火全無氣
平望惟松少一作別一作劣露清臘內不妨南地少夜長應得

小牕聽因思舊隱匡廬日閒看杉檉掩石局

落花

惜花無計又花殘獨遙芳叢不忍看暖艷動隨鶯翅落
冷香愁雜燕泥乾綠珠倚檻魂初散巫峽歸雲夢又闌
忍把一尊重命樂送春招客亦何歡

春雪

南國春寒朔氣迴霏霏還阻百花開全移暖律何方去
似誤新鶯昨日來平野旋銷難蔽草遠林高綴却遮梅

不知金勒誰家子只待晴明賞帝臺

重戲和春雪寄沈員外

誰道江南要雪難半春猶得倚樓看却遮遲日偷鶯暖
密灑西風借鶴寒散漫不容梨艷去輕明應笑玉華乾
和來瓊什雖無敵且作儂家比興殘

春日尊前示從事

州中案牘魚鱗密界上軍書竹節稠眼底好花渾似雪
甕頭春酒漫如油東君不為留遲日清鏡唯知促白頭

寂覺此春無氣味不如庭草解忘憂

尊前

官為將相復何求世路多端早合休漸老更知春可惜
正歡唯怕客難留雨催草色還依舊晴放花枝始自由
莫厭百壺相勸倒免教無事結閑愁

薔薇二首

萬葉爭開照檻光詩家何物可相方錦江風撼雲霞碎
仙子衣飄黼黻香袁露早英濃壓架背人狂蔓暗穿牆

綠牋蠻榦旬休日欲召親賓看一場

拂簷拖地對前墀蝶影蜂聲爛漫時萬倍馨香勝玉棻
一生顏色笑西施忘歸醉客臨高架恃寵佳人索好枝
將並舞腰誰得及惹衣傷手盡從伊

殘牡丹

腸斷題詩如執別芳茵愁更繞闌鋪風飄金藥看全落
露滴檀英又暫蘇失意婕妤妝漸薄背身妃子病難扶
迴看池館春休也又是迢迢看畫圖

春雨二首

春霖未免妨遊賞
唯到詩家自有情
花徑不通新草合
蘭舟初動曲池平
淨緣高樹莓苔色
飢集一作虛廊燕
雀聲閒憶昔年為客處
悶留山館阻行行

蕭蕭春雨密還疎
景象三時固不如
寒入遠林鶯翅重
暖抽新麥土膏虛
細濛臺榭微兼日
潛漲漣漪欲動魚
唯稱垂慵多睡者
掩門中酒覽閑書

醉中惜花更書與諸從事

公退尋芳已是遲莫因他事更來稀未經旬日唯憂落
算有開時不合歸歌檻宴餘風裏閒園吟散雨霏霏
高樓鼓絕重門閨長為拋迴恨解衣

和判官喜雨

去禱山川尚未還雲雷尋作遠聲寒人情便似秋登悅
天色休勞夜起看高檻氣濃藏柳一本缺郭小庭流擁沒
花壇須知太守重牆內心極農夫望處歡

離闕下日感恩

二年塵冒處中台喜得南歸退不才即路敢期皇子送出
關猶有御書來未知天地恩何報翻對江山思莫開
斜日葦汀凝立處遠波微颺翠如苔

細雨遙懷故人

江雲未散東風暖溟濛正在高樓見細柳緣堤少過人
平蕪隔水時飛燕我有近詩誰與和憶君狂醉愁難破
昨夜南牕不得眠閒階點滴迴燈坐

春水

萬派爭流雨過時晚來春靜更逶迤輕鷗散遠夫差國
遠樹微分夏禹祠青岸漸平濡柳帶舊溪應暖負尊絲
風鬟倚櫂誰家子愁看鴛鴦望所之

蝶

粉蝶翩翩若有期南園長是到春歸間依柳帶參差起
困傍桃花獨自飛潛被燕驚還散亂偶因人逐入簾幙
晚來欲雨東風急迴看池塘影漸稀

中春寫懷寄沈彬貟外

省從騎竹學謳吟便殢光陰役此心寓目不能閒一日
閉門長勝得千金牕懸夜雨殘燈在庭掩春風落絮深
唯有故人同此興近來何事嬾相尋

鐘山寺避暑勉二三子

樓臺雖少景何深滿地青苔勝布金松影晚留僧共坐
水聲間與客同尋清涼會擬歸蓮社沈湎終須棄竹林
長愛寄吟經案上石牕秋霽向千岑

道林寺

雖向鍾峯數寺連就中奇勝出其間不教幽樹妨閒地
別著高牕向遠山蓮沼水從雙澗入客堂僧自九華還
無因得結香燈社空向王門玷玉班

和致仕沈郎中

欲謀休退尚因循且向東溪種白蘋謬應星辰居四輔
終期冠褐作閒人城中隔日趨朝嬾楚外千峯入夢頻
殘照晚庭沈醉醒靜吟斜倚老松身

醉中詠梅花

十月清霜尚未寒
雪英重疊已如搏
還悲獨詠東園裏
老作南州刺史看
北客見皆驚節氣
郡僚癡擬一作欲
望孟盤交親罕至
長安遠一醉如泥
豈自歡

閒出書懷

閒遊何用問東西
寓興皆非有所期
斷酒只攜僧共去
看山從聽馬行遲
溪田雨漲禾生耳
原野鶯啼一本
熟時應有交親長
笑我獨輕人事鬢將衰

寺居陸處士相訪感懷却寄二三友人

湘寺閒居亦半年就中昨夜好潛然人歸遠岫疎鐘後
雪打高杉古屋前投足正逢他國亂冥心未解祖師禪
爐煙向冷孤燈下唯有寒吟到曙天

春雪

隨風竟日勢漫漫特地繁於故歲看幽榭凍黏花屋重
短簷斜濕燕巢寒閒聽不寐詩魂爽淨喫無厭酒肺乾
莫道便為桑麥樂亦勝焦涸到春殘

惜花

淡淡西園日又垂一尊何忍負芳枝莫言風雨長相促
直是晴明得幾時心破只愁鶯踐落眼穿唯怕客來遲
年年使我成狂叟腸斷紅牋幾首詩

梅花寄所親

一氣才新物未知每慙青律與先吹雪霜迷素猶嫌早
桃杏雖紅且後時雲鬢自黏飄處粉玉鞭誰指出牆枝
老夫多病無風味只向尊前詠舊詩

登昇元閣

登高始覺太虛寬白雪須知唱和難雲渡瑣牕金榜濕
月移珠箔水精寒九天星象簾前見六代城池直下觀
唯有上層人未到金烏飛過拂闌干

雪有作

霏霏奕奕滿寒空况是難逢值臘中未白已堪張宴會
漸繁偏好去簾櫳庭莎易集看盈地池柳難裝旋逐風
長愛清華入詩句預愁遲日放消融

宮詞

自遠凝旒守上陽舞衣頓減舊朝香簾垂粉閣春將盡
門掩梨花日漸長草色深濃封輦路水聲低咽轉宮牆
君王一去不迴駕皓齒青蛾空斷腸

晚春送牡丹

擣觴邀客遠朱闌腸斷殘春送牡丹風雨數來留不得
離披將謝忍重看氣氤蘭麝香初減零落雲霞色漸乾
借問少年能幾許不須推酒厭杯盤

歲暮晚泊望廬山不見因懷岳僧呈察判

貪程只為看廬阜及到停舟恨頗濃雲暗半空藏萬仞
雪迷雙瀑在中峯林端莫辨曾遊路鳥際微聞向暮鐘
長恨昔年招我入共尋香社見芙蓉

重臺蓮

斜倚秋風絕比倫千英和露染難勻自為祥瑞生南國
誰把丹青寄北人明月幾宵同綠水牡丹無路出紅塵
憐伊不算多時立贏得馨香暗上身

迎神

搗蠻蠶吟塞笛女巫結束分行立空中再拜神且來滿
奠椒漿齊獻揖陰風宰宰吹紙錢妖巫瞋目傳神言興
君降福為豐年莫教賽祀虧常筵

春詞

日高閒步下堂階細草春莎淺繡鞋折得玫瑰花一朵
灑君簪向鳳皇釵

獨夜作

佳人一去無消息夢覺香殘愁復入空庭悄悄月如霜

獨倚闌干伴花立

竹

瓊節高吹宿鳳枝風流交我立忘歸寃憐瑟瑟斜陽下
花影相和滿客衣

清明日

他皆攜酒尋芳去我獨闌門好靜眠唯有楊花似相覓
因風時復到牀前

宮詞

宮門長閉舞衣間畧識君王鬢便斑却羨落花春不管
御溝流得到人間

送喻鍊師歸茅山

休糧知幾載臉色似桃紅半醉離城去單衣行雪中水
聲茅洞曉雲影石房空莫學秦時客音書便不通

和元宗元日大雪登樓

紛紛忽降當元會著物輕明似月華狂灑玉墀初散絮
密黏宮樹未妨花迥封雙闕千尋峭冷壓南山萬仞斜

寧意傳來中使出御題先賜老僧家

遊棲霞寺

養花天氣近平分瘦馬來敲白下門曉色未開山意遠
春容猶淡月華昏琅琊冷落存遺跡籬舍稀疎帶舊村
此地幾經人聚散只今王謝獨名存

答湯悅

司空猶不作那敢作司徒幸有山翁號如何不見呼

金山

不嗟白髮曾遊此
不嘆征帆無了期
盡日憑闌誰會我
只悲不見韓垂詩

送李冠

冠善吹
中管

勻如春澗長流水
怨似秋枝欲斷蟬
可惜人間容易聽
清聲不到御樓前

遊宋興寺東巖

幾年不到東巖下
舊住僧亡屋亦無
寒日蕭條何物在
朽松經燒石池枯

批周宗書後

建勲鎮臨川九江帥周宗初蒞任以書借器用儀注因批其後

偶罷阿衡來典郡固無閒物可應官憑君為報羣胥道

莫作循州刺史看

牛僧孺謫循州長史

題信果觀壁

春來漲水流而活曉色西山勢似行玉洞主人經劫在
攜竿步步就長生

送八分書與友人繼以詩

距珂為詩距珂書不封將去寄仙都仙翁拍手應相笑

得似秦朝次仲無

句

桃花流水須長信不學劉郎去又來

見南唐近事

粟多未

必全為計師老須防有伏兵

寄馮延魯使閩

徧尋雲壑重題

石欲下山門更倚松

留別鍾山見吟牕雜錄

御定全唐詩卷七百三十九